



REPUBLIKA E SHQIPËRISË
KOMISIONI I PROKURIMIT PUBLIK

Nr. 2382/ 4 prot.

Datë 02.12.2022

V E N D I M
Nr. 1208/2022

Komisioni i Prokurimit Publik, i përbërë nga:

Jonaid Myzyri	Kryetar
Fiorent Zguro	Nënkryetar
Kreshnik Ternova	Anëtar
Anila Malaj	Anëtar

Në mbledhjen e datës 02.12.2022 shqyrtoi ankesën me:

Objekt: Shfuqizimi i vendimit të Komisionit të Vlerësimit të Ofertave për skualifikimin e ofertës të paraqitur nga bashkimi i operatorit ekonomikë BOE “Korsel” SHPK & “Cogren” SHPK në procedurën e prokurimit “Procedurë e Hapur mbi Kufirin e Lartë Monetar” me Nr. REF-39822-08-25-2022, me objekt “Shërbimi i pastrimit të qytetit Kavajë dhe Njësive Administrative Synej, Luz I Vogël e Helmës” me fond limit: 550,395,505 (pesëqind e pesëdhjetë million e treqind e nëntëdhjetë e pëse mijë e pesëqind e pesë) Lekë pa TVSH, parashikuar për tu zhvilluar në datën 03.10.2022 nga autoriteti kontraktor, Bashkia Kavajë.

Ankimues: BOE “Korsel” SHPK & “Cogren” SHPK.
Adresa: Rruga “Midhi Kostani”, Lagjia nr. 17, Objekti nr. 23, Korçë.

Autoriteti Kontraktor: Bashkia Kavajë.
Adresa: Blv “Josif Budo”, Kavajë.

Baza Ligjore: Ligji nr. 162/2020 “Për Prokurimin Publik”, Vendimi i Këshillit të Ministrave nr. 285, datë 19.05.2021 “Për miratimin e rregullave të prokurimit publik”, Vendimi i Komisionit të Prokurimit Publik Nr. 766/2021, datë

13.10.2021 “Për miratimin e rregullave “Për Organizimin dhe Funksionimin e Komisionit të Prokurimit Publik”, Neni 4, i Vendimit të Komisionit të Prokurimit Publik nr. 500/2020 datë 5.11.2020 “Rregullore për Marrjen e Masave Organizative për Ushtrimin e Veprimtarisë së Institucionit të Komisionit të Prokurimit Publik gjatë gjendjes së pandemisë së shkaktuar nga COVID -19”.

Komisioni i Prokurimit Publik, pasi dëgjoji relatorin e çështjes, shqyrtoi parashtrimet me shkrim e pretendimet e ankimuesit, dhe pasi diskutoi çështjen në tërësi,

V ë r e n:

I

Vlerësimi paraprak

I.1. Vlera limit e përlogaritur për procedurën e prokurimit objekt-ankimi është mbi kufirin e lartë monetar, ndaj shqyrtimi dhe vendimmarrja do të bëhet nga të gjithë anëtarët, në përputhje me pikën 1, të nenit 30 të ligjit nr. 162/2020 “Për prokurimin publik” dhe Rregullat e Prokurimit Publik.

I.2. Bashkimi operatorit ekonomikë ankimues ka *prima facie* interes në këtë procedurë prokurimi dhe për këtë arsye legjitimohet për të paraqitur ankesë në lidhje me të.

I.3. Bashkimi i operatorit ekonomikë ankimues ka paraqitur ankesë pranë autoritetit kontraktor dhe njëherazi pranë Komisionit të Prokurimit Publik, në përputhje me kërkesat e përcaktuara në ligjin nr. 162/2020 “Për prokurimin publik”.

I.4. Bashkimi i operatorit ekonomikë ankimues ka respektuar afatet ligjore të paraqitjes së ankesës pranë autoritetit kontraktor dhe Komisionit të Prokurimit Publik.

II

Rrethanat e çështjes

II.1. Në datën 29.08.2022 është publikuar në Sistemin e Prokurimeve Elektronike procedura e prokurimit “Procedurë e Hapur mbi Kufirin e Lartë Monetar” me Nr. REF-39822-08-25-2022, me objekt “Shërbimi i pastrimit të qytetit Kavajë dhe Njësive Administrative Synej, Luz I Vogël e Helmës” me fond limit: 550,395,505 (pesëqind e pesëdhjetë million e treqind e nëntëdhjetë e pëse mijë e pesëqind e pesë) Lekë pa TVSH, parashikuar për tu zhvilluar në datën 03.10.2022 nga autoriteti kontraktor, Bashkia Kavajë.

II.2. Në datën 03.10.2022 autoriteti kontraktor ka zhvilluar procedurën e prokurimit objekt-shqyrtimi.

II.3 Në datën 16.10.2022 autoriteti kontraktor ka njoftuar operatorët ekonomikë pjesëmarrës me anë të sistemit të prokurimeve elektronike (S.P.E.), mbi rezultatet e vlerësimit të Komisionit të Vlerësimit të Ofertave, të cilët kanë paraqitur ofertat ekonomike (pa TVSH), përkatësisht:

- | | | |
|---|---------------------|--------------|
| 1. BOE “Korsel” SHPK & “Cogren” SHPK | 437,642,303.64 lekë | skualifikuar |
| 2. “Alko-Impex General Construction” dshh | 549,298,645 lekë | kualifikuar |

II.3. Në datën 19.10.2022 është Publikuar Njoftim Fituesi i procedurës objekt-prokurimi në Sistemin e Prokurimit Elektronik.

II.4. Në datën 28.10.2022 pranë Komisionit të Prokurimit Publik, është protokolluar ankesa me nr. 2382 e bashkimt të operatorit ekonomikë “Korsel” SHPK & “Cogren” SHPK për procedurën e prokurimit “Procedurë e Hapur mbi Kufirin e Lartë Monetar” me Nr. REF-39822-08-25-2022, me objekt “Shërbimi i pastrimit të qytetit Kavajë dhe Njësive Administrative Synej, Luz I Vogël e Helmës” me fond limit: 550,395,505 (pesëqind e pesëdhjetë million e treqind e nëntëdhjetë e pëse mijë e pesëqind e pesë) Lekë pa TVSH, parashikuar për tu zhvilluar në datën 03.10.2022 nga autoriteti kontraktor, Bashkia Kavajë, me anë të së cilës kundërshton vendimin e komisionit të vlerësimit të ofertave në lidhje me skualifikimin e ofertës së tij ekonomike nga kjo procedurë prokurimi.

II.5 Në përputhje me nenin 112 “Veprimet paraprake” të Ligjit nr.162/2020 “Për Prokurimin Publik”, Komisioni i Prokurimit Publik me marrjen e ankesës, e publikoi atë në bazën e të dhënave të tij, e cila përmban të dhëna për: a) ankimesin, adresën dhe NUIS-in; b) të dhëna të plota për procedurën e prokurimit (objekt, numër reference, fond limit, datën e zhvillimit të procedurës), si dhe me anë të formularit të publikimit nr. 2382/2 prot., datë 31.10.2022 janë publikuar arsyet e skualifikimit që bashkimi operatorit ekonomikë “Korsel” SHPK & “Cogren” SHPK kundërshton me anë të ankesës me nr. 2382 protokollit, datë 28.10.2022.

II.6. Me datë 09.10.2022 nëpërmjetë sistemit të prokurimit elektronik ayutoriteti kontraktor i ka dërguar bashkimit të operatorit ekonomikë nëpërmjetë rubrikës kërkesa kërkesën me përmbjatje si më poshtë vijon: “Bashkia Kavajë ka [publikuar në sistemin SPE procedurën me Ref-39822-08-25-2022 të zhvilluar më datë 03.10.2022 me objekt “Shërbimi i pastrimit të qytetit Kavajë dhe Njësive Administrative Synej, Luz i Vogël e Helmas”. Në këtë procedurë shoqëria juaj ka shprehur interesin nëpërmjetë paraqitjes se një oferte. Bazuar në nenin 82/1 të LPP keni paraqitur në sistemin elektronik të prokurimeve formularin përmbledhës të vetëdeklarimit mbi përmbushjen e kriterëve për realizimin e objektit të kontratës. Mbështetur në nenin 82/2 të ligjit nr. 162, datë 23.12.2020 “Për Prokurimin Publik”, kërkojmë nga ana juaj informacion shtesë dhe dokumente mbështetëse siq përcaktohet në pikat 1/e te kriterëve të përgjithshme (Vërtetim nga OSHEE), dhe 2.3.8 të Kapacitetit Teknik të Dokumentave Standarte të Tenderit. Informacioni i kërkuar të paraqitet në rrugë shkresore brenda datës 12.10.2022 ora 15:00. Duke ju falenderuar për mirkuptimin”.

Kërkesa dhe përgjigje	
Kërkesë	
Krijuar nga	Guxim Kola
NIPT	
Kërkesë	Lënda: Kërkesë për sqarime të mëtejshme
Përshkrimi	<p>Lënda: Kërkesë për sqarime të mëtejshme</p> <p>Drejtuar: BOE Konsul shpk dhe Cognen shpk</p> <p>Përfatësuesi Z. Maksim Fejzulla</p> <p>Lagjia 17, Rruga Midhi Kostani, pranë Hipotekës, objekti Nr. 23, Korçë</p> <p>Bashkia Kavajë ka publikuar në sistemin SPK procedurën me REF-19812-08-25-2022 të zhvilluar me datë 03.10.2022 me objekt "Shërbimi i pastrimit të qytetit Kavajë dhe Njësi Administrative Synej, Luz i Vogël e Helmas". Në këtë procedurë shoqëria juaj ka shprehur interesin nëpërmjet paraqitjes së një oferte. Bazuar në nenin 82/1 të LPK keni paraqitur në sistemin elektronik të prokurimeve formularin përmbledhës të vetdeklarimit mbi përmbushjen e kriterëve për realizimin e objektit të kontratës.</p> <p>Mësohetur në nenin 82/2 të ligjit nr.162 datë 23.12.2020 "Për prokurimin publik" kërkohet nga ana juaj informacion shtesë dhe dokumente mbështetëse siç përcaktohet në pikat 1/e të kriterëve të përgjithshme (Vërtetim nga OSHEE), dhe 2.3.8 të Kapacitetit Teknik të Dokumentave Standarde të Tenderit.</p> <p>Informacioni i kërkuar të paraqitet në rrugë shkresore brenda datës 12.10.2022 ora 15:00.</p> <p>Duke ju falenderuar për mirëkuptimin,</p>
Material i Bashkangjitur	<p style="text-align: center;">Procedurë për Tender</p> <p>Shërbimi i pastrimit të qytetit Kavajë dhe Njësi Administrative Synej, Luz i Vogël e Helmas</p>
Përgjigja	
Përgjigja	
Data e Përgjigjes	
Material i Bashkangjitur	Bashkangjit

II.7. Komisioni Prokurimit Publik pasi verifikoi informacionin e ardhur nga autoritetit kontraktor me shkresën nr 3829/1 prot, datë 07.11.2022, si dhe sistemin e prokurimeve elektronike në rubrikën kërkesa nëpërmjetë numrit të referencës së procedurës së prokurimit objekt shqyrtimi, rezultoi se operatori ekonomik ankimues nuk i është përgjigjur autoritetit kontraktor as nëpërmjetë rubrikës kërkesa në sistemin e prokurimeve elektronike nënrubrika përgjigje, por dhe me rrugë shkresore nuk vërtetohet që operatori ekonomik ankimues të ketë dorëzuar dokumentacionin e kërkuar pranë autoritetit kontraktor referuar informacionit të autoritetit kontraktor dërguar pranë Komisionit Prokurimit Publik.

II.8. Nga verifikimi i dokumentacionit të administruar në dosjen e shqyrtimit administrativ, si dhe bazuar në informacionin e Autoritetit Kontraktor, u konstatua se nuk ka pasur pretendime nga subjekte të interesuara, në përputhje me nenin 113 të ligjit Nr.162/2020 "Për Prokurimin Publik".

III Komisioni i Prokurimit Publik

pas shqyrtimit të ankesës, dokumentacionit bashkëngjitur saj, si dhe informacionit të autoritetit kontraktor.

Arsyeton

III.1. Lidhur me pretendimet e bashkimit të operatorit ekonomikë ankimues “Korsel” SHPK & “Cogren” SHPK mbi kundërshtimin e skualifikimit të ofertës së tyre nga procedura prokurimit objekt-shqyrtimi me aryet se: “Mbështetur në ligjin nr. 162 datë 23.12.2020 “Për prokurimin publik” neni 82/2 dhe VKM nr.285 datë 19.05.2021 “Per miratimin e Rregullave te Prokurimit Publik” nenin 26 pika 7 “Formulari përmbledhës i vetëdeklarimit”, është kërkuar informacion shtesë dhe dokumente mbështetëse siç përcaktohet në pikat 1/e të kriterëve të përgjithshme (Vërtetim nga OSHEE) dhe 2.3.8 të Kapacitetit Teknik të Dokumentave Standarde të Tenderit. Informacioni i kërkuar duhej të paraqitej në rrugë shkresore brenda datës 12.10.2022 ora 15:00. Nga BOE Korsel shpk dhe Cogren shpk, nuk është paraqitur asnjë dokument sic përcaktohet mësipër dhe nuk ka patur ndonjë përgjigje të kërkesës së mësipërme në SPE”. Komisioni i Prokurimit Publik vëren se:

III.1.1. Në shtojcën 9 “Formulari Përmbledhës i Vetëdeklarimit” në dokumentet standarde të tenderit të procedurës së prokurimit objekt-ankimi, autoriteti kontraktor ka përcaktuar si më poshtë vijon:

Shtojca 9.

(Shtojcë për tu paraqitur nga operatori ekonomik)

FORMULARI PËRMBLEDHËS I VETËDEKLARIMIT

I. Unë i nënshkruari _____ në cilësinë e _____ të operatorit ekonomik _____ deklaroj nën përgjegjësinë time të plotë që:

Pjesa I: Informacion në lidhje me Operatorin Ekonomik

Identifikimi	Përgjigja
Emri i operatorit ekonomik: (Ju lutemi renditni të gjithë operatorët ekonomikë nëse jeni një BOE. Ju lutemi tregoni rolin e operatorit ekonomik në BOE)	-----
Numri NIPT/et:	-----
Adresa postare: Qyteti / qyteti; Kodi postar	-----
Përfaqësuesi (emri):	-----
Telefoni:	-----

E-mail:	-----
---------	-------

B: DEKLARATË

Për nënkontraktorët dhe subjektet në kapacitetet, e të cilave do të mbështetet Operatori Ekonomik (nëse është e zbatueshme)

Në cilësinë e operatorit ekonomik, deklaroj nën përgjegjësinë time të plotë se:

- Informacione për nënkontraktorin**

Emri i nënkontraktorit të propozuar	NIPT –i	Përqindja e nënkontraktimit	Shërbimet /Mallrat e lidhura me to për t’u nënkontraktuar

- Informacion mbi subjektet mbi kapacitetin, e të cilëve do të mbështetet operatori ekonomik**

Emri (at) e subjekteve	NIPT-i	Lloji i kapacitetit për të cilin do të mbështetet operatori ekonomik	Specifiko konkretisht kapacitetin/et

Deklaroj se, për subjektin / subjektet në kapacitetin/et, e të cilit/ëve do të mbështetem, nuk ka arsye për skualifikimin ose përjashtimin e tij / tyre nga procedura, në përputhje me dispozitat e nenit 76 të

LPP-së, dhe konfirmoj me dokumente provuese që do të ketë burimet e kërkuara siç janë deklaruar.

Pjesa II: Shkaqet e përjashtimit

A: DEKLARATA PËR PËRMBUSHJEN E KRITEREVE TË PËRGGJITHSHME TË KUALIFIKIMIT

Deklarata	Referencat (kur janë të zbatueshme)
Operatori ekonomik është i regjistruar në regjistrin tregtar sipas legjislacionit të vendit ku ushtron aktivitetin, ose sipas legjislacionit të posaçëm në rastin e një organizate jofitimprurëse, ka në fushën e veprimtarisë objektin e prokurimit, dhe ka statusin aktiv.	Nëse dokumentacioni përkatës është i disponueshëm në formë elektronike, ju lutemi tregoni: Adresën e ueb-it: [shkruajeni] Autoritetin ose organin lëshues: [shkruajeni] Lloji i dokumentit: [shkruajeni]
Operatori ekonomik nuk është dënuar për ndonjë nga veprat penale të parashikuara në nenin 76/1 të LPP-së ose ka qenë i dënuar dhe ka kaluar një periudhë 5-vjeçare nga data e ekzekutimit të dënimit, nëse nuk është përcaktuar një periudhë tjetër nga gjykata, sipas parashikimeve të nenit 76 të LPP-së.	Nëse dokumentacioni përkatës është i disponueshëm në formë elektronike, ju lutemi tregoni: Adresën e ueb-it: [shkruajeni] Autoritetin ose organin lëshues: [shkruajeni] Lloji i dokumentit: [shkruajeni]
Personi / personat në cilësinë e anëtarit të organit administrativ, drejtorit ose mbikëqyrësit, si aksionar ose si ortak, ka ose fuqi përfaqësuese, vendimmarrëse ose kontrolluese brenda operatorit ekonomik, si më poshtë: <hr/> <hr/> etj.	Nëse dokumentacioni përkatës është i disponueshëm në formë elektronike, ju lutemi tregoni: Adresën e ueb-it: [shkruajeni] Autoritetin ose organin lëshues: [shkruajeni] Lloji i dokumentit: [shkruajeni]

<p>nuk janë të dënuar me vendim gjyqësor të formës së prerë për ndonjë nga veprat penale të përcaktuara në nenin 76/1 të LPP-së ose kanë qenë i dënuar dhe ka kaluar një periudhë 5-vjeçare nga data e ekzekutimit të dënimit, nëse nuk është përcaktuar një periudhë tjetër nga gjykata, sipas parashikimeve të nenit 76 të LPP-së, etj.</p>	
<p>Operatori ekonomik nuk është dënuar me vendim gjyqësor të formës së prerë për vepra që lidhen me veprimtarinë profesionale.</p>	<p>Nëse dokumentacioni përkatës është i disponueshëm në formë elektronike, ju lutemi tregoni: Adresën e ueb-it: [shkruajeni] Autoritetin ose organin lëshues: [shkruajeni] Lloji i dokumentit: [shkruajeni]</p>
<p>Operatori ekonomik nuk është në proces falimentimi (statusi aktiv).</p>	<p>Nëse dokumentacioni përkatës është i disponueshëm në formë elektronike, ju lutemi tregoni: Adresën e ueb-it: [shkruajeni] Autoritetin ose organin lëshues: [shkruajeni] Lloji i dokumentit: [shkruajeni]</p>
<p>Operatori Ekonomik ka paguar të gjitha detyrimet për taksat dhe kontributet e sigurimeve shoqërore, sipas legjislacionit në fuqi, ose ndodhet në një nga rastet e parashikuara në nenin 76/2 të LPP-së</p>	<p>Nëse dokumentacioni përkatës është i disponueshëm në formë elektronike, ju lutemi tregoni: Adresën e ueb-it: [shkruajeni] Autoritetin ose organin lëshues: [shkruajeni] Lloji i dokumentit: [shkruajeni]</p>
<p>Operatori ekonomik ka paguar të gjitha detyrimet e energjisë elektrike, për të gjitha adresat e ushtrimit të aktivitetit, sipas legjislacionit përkatës në fuqi. Ky informacion kërkohet për operatorët ekonomikë, të cilët operojnë në territorin e Republikës së Shqipërisë.</p>	<p>Nëse dokumentacioni përkatës është i disponueshëm në formë elektronike, ju lutemi tregoni: Adresën e ueb-it: [shkruajeni] Autoritetin ose organin lëshues: [shkruajeni] Lloji i dokumentit: [shkruajeni]</p>

<p>Operatori ekonomik ushtron aktivitetin e tij në zbatimin e kërkesave ligjore në fuqi, përfshirë legjislacionin mjedisor, social dhe të punës.</p>	<p>Nëse dokumentacioni përkatës është i disponueshëm në formë elektronike, ju lutemi tregoni: Adresën e ueb-it: [shkruajeni] Autoritetin ose organin lëshues: [shkruajeni] Lloji i dokumentit: [shkruajeni]</p>
<p>Operatori ekonomik nuk është në listën e operatorëve ekonomikë të ndaluar për të fituar kontrata publike në përputhje me nenin 78 të LPP-së.</p> <p>Operatori ekonomik nuk ka në cilësinë e anëtarit të organit të administrimit, drejtues ose mbikëqyrës i atij, aksionar ose ortak, ose me kompetenca përfaqësuese, vendimmarrjeje ose kontrolluese brenda tij persona të cilët janë /kanë qenë në këtë cilësi në një operator ekonomik të përjashtuar nga e drejta për të përfituar fonde publike, me vendim të Agjencisë së Prokurimit Publik, gjatë kohës që ky vendim është në fuqi.</p>	<p>Nëse dokumentacioni përkatës është i disponueshëm në formë elektronike, ju lutemi tregoni: Adresën e ueb-it: [shkruajeni] Autoritetin ose organin lëshues: [shkruajeni] Lloji i dokumentit: [shkruajeni]</p>

B: DEKLARATA

Për Dorëzimin e Ofertave të Pavarura

Deklarata	Përgjigje
<p>Në cilësinë e operatorit ekonomik, bëj këtë deklaratë në përputhje me nenin 1 të Ligjit Nr. 162/2020, datë 23.12.2020 "Për Prokurimin Publik", dhe në zbatim të Ligjit Nr. 9121/2003 "Për Mbrojtjen e Konkurrencës", dhe garantoj që deklaratat e mëposhtme janë të vërteta dhe të plota në çdo aspekt:</p>	<p>_____</p>
<p>1. Kam lexuar dhe kuptuar</p>	<p>Po []</p>

përmbajtjen e kësaj deklaratë;	
2. Kuptoj që oferta e paraqitur do të skualifikohet dhe / ose përjashtohet nga pjesëmarrja në prokurimin publik nëse kjo Deklaratë konstatohet se nuk është e plotë dhe / ose e pasaktë në të gjitha aspektet;	Po []
3. Jam i autorizuar nga Ofertuesi për të nënshkruar këtë Deklaratë dhe për të paraqitur një Ofertë në emër të Ofertuesit;	Po []
4. Çdo person, nënshkrimi i të cilit paraqitet në dokumentacionin e ofertës është i autorizuar nga ofertuesi për të përgatitur dhe për të nënshkruar ofertën në emër të ofertuesit;	Po []
5. Për efekt të kësaj deklaratë dhe ofertës së paraqitur, unë e kuptoj se fjala "konkurrent" nënkupton çdo operator tjetër ekonomik, përveç Ofertuesit, pavarësisht nëse paraqitet si një bashkim i operatorëve ekonomikë ose jo, që: a) paraqet një ofertë në përgjigje të Njoftimit të Kontratës të bërë nga Autoriteti/Enti Kontraktor; b) është ofertues i mundshëm i cili, bazuar në kualifikimet, aftësitë ose përvojat e tij, mund të paraqesë një Ofertë në përgjigje të Njoftimit të Kontratës.	Po []
6. Ofertuesi deklaron se e ka përgatitur ofertën e tij në mënyrë të pavarur, pa u konsultuar, komunikuar dhe pa pasur ndonjë marrëveshje ose dakord me ndonjë konkurrent tjetër;	Po [] Jo []
7. Ofertuesi deklaron se është konsultuar, ka komunikuar, ka lidhur marrëveshje me një ose	Po [] Jo []

<p>më shumë konkurrentë në lidhje me këtë procedurë prokurimi. Ofertuesi deklaron se në dokumentet e bashkangjitura, detajet e kësaj oferte përfshijnë emrat e konkurrentëve, natyrën dhe arsyet e konsultimit, komunikimit, marrëveshjes ose angazhimit (në rast të një bashkimi të operatorëve ekonomikë ose nënkontraktimit).</p>	
<p>8. Në veçanti, pa cenuar pikat 6 dhe 7 më lart, nuk ka pasur asnjë konsultim, komunikim, kontratë ose marrëveshje me ndonjë konkurrent në lidhje me :</p> <p>a) çmimet;</p> <p>b) metodat, faktorët ose formulat e përdorura për llogaritjen e çmimit;</p> <p>c) qëllimin ose vendimin për të paraqitur një ofertë ose jo; ose</p> <p>d) paraqitjen e një oferte që nuk plotëson specifikimet e kërkesës së ofertës.</p>	<p>Po [] Jo []</p>
<p>9. Për më tepër, nuk ka pasur asnjë konsultim, komunikim, marrëveshje ose kontratë me ndonjë konkurrent në lidhje me cilësinë, sasinë, specifikimet ose dërgesat specifike të mallrave ose shërbimeve në lidhje me prokurimin përkatës, përveç kur thuhet në pikën 7 më lart.</p>	<p>Po [] Jo []</p>
<p>10. Kushtet e ofertës nuk u janë bërë të ditura ose treguar ofertuesve të tjerë në asnjë mënyrë, qoftë para datës dhe orës së hapjes zyrtare të ofertave,</p>	<p>Po [] Jo []</p>

shpalljes së ofertës fituese dhe nënshkrimit të kontratës, përveç nëse kërkohet nga ligji ose nëse thuhet specifikisht nën pikën 7 më lart.	

C: DEKLARATA

Mbi Konfliktin e Interesit

Deklarata
<p>Në cilësinë e operatorit ekonomik, ne deklarojmë se jemi të vetëdijshëm për sa vijon:</p> <p>Konflikti i interesit është një situatë e konfliktit midis detyrës publike dhe interesit privat të një zyrtari, në të cilën ai / ajo ka interesa private direkte ose indirekte që ndikojnë, ose që mund të ndikojë ose që duket se ndikojnë në kryerjen e padrejtë të detyrave dhe detyrimeve publike.</p> <p>Në përputhje me nenin 21, paragrafi 1, Ligji Nr. 9367, datë 07.04.2005, kategoritë e zyrtarëve siç parashikohen në Kapitullin III, Seksioni II, që janë absolutisht të ndaluara të përfitojnë drejtpërdrejt ose indirekt nga nënshkrimi i kontratave midis një pale dhe institucionit publik janë:</p> <ul style="list-style-type: none"> - Presidenti i Republikës, Kryeministri, Zëvendës Kryeministri, Ministrat, ose Zëvendësministrat, Deputetët, Gjyqtarët e Gjykatës Kushtetuese, Gjyqtarët e Gjykatës së Lartë, Kreu i Kontrollit të Lartë të Shtetit, Prokurori i Përgjithshëm, Gjyqtarët dhe Prokurorët në nivelin e Gjykatës së Shkallës së Parë dhe Gjykatës së Apelit, Avokati i Popullit, Anëtarët e Komisionit Qendror të Zgjedhjeve, Anëtarët e Këshillit të Lartë të Drejtësisë, Inspektori i Përgjithshëm i Inspektoratit të Lartë të Deklarimit dhe Kontrollit të Pasurive dhe Konfliktit të Interesit, Anëtarët e Enteve Rregullatore (Këshilli Mbikëqyrës i Bankës së Shqipërisë, përfshirë Guvernatorin dhe Zëvendësguvernatorin; konkurrenca; telekomunikacioni; energjia elektrike; furnizimi me ujë; sigurimi; bonot; autoritetet e medias), sekretarët e përgjithshëm të institucioneve qendrore si dhe çdo zyrtar publik në çdo institucion publik pozicioni i të cilit është i barabartë me atë të Drejtorit i Përgjithshëm, drejtuesit e organeve të administratës publike që nuk janë pjesë e shërbimit civil. <p>Për nëpunësit civilë të nivelit të mesëm, sipas nenit 31 dhe zyrtarët sipas nenit 32 të kreut III, seksionit 2 të këtij ligji, ndalimi në paragrafin 1 të këtij neni, për shkak të interesave private të zyrtarit, siç përcaktohet këtu të zbatohet vetëm në rast të lidhjes së kontratave brenda fushës dhe territorit të institucionit dhe juridiksionit të institucionit, ku punon zyrtari. Ky ndalim do të zbatohet edhe kur pala në kontratë është një institucion varësie.</p> <p>Kur zyrtari është kryetar bashkie ose nënkryetar i një bashkie ose komune, ose kryetar i një</p>

këshilli rajonal, anëtar i këshillit përkatës, ose një zyrtar i lartë i menaxhimit të një njësie të qeverisjes vendore, ndalimi për shkak të interesave private të zyrtarit, specifikuar këtu, do të zbatohet vetëm në rastin e lidhjes së kontratave, nëse ka, me bashkinë, komunën ose rajonin ku zyrtari ushtron një detyrë të tillë. Ky ndalim do të zbatohet gjithashtu kur pala në kontratë është një institucion publik në varësi të kësaj njësie (neni 21, paragrafi 2, Ligji Nr. 9367, datë 07.04.2005.

Ndalimet e parashikuara në nenin 21, paragrafët 1, 2 të Ligjit Nr. 9367, datë 07.04.2005, me përjashtimet përkatëse, do të zbatohen në të njëjtën masë edhe për personat e lidhur me zyrtarin, d.m.th. **bashkëshortin, bashkëjetuesin, fëmijët madhorë e prindërit e zyrtarit dhe të bashkëshortit dhe bashkëjetuesit.**

Unë jam në dijeni të kërkesave dhe ndalimeve të parashikuara në Ligjin Nr. 9367, datë 07.04.2005 "Për Parandalimin e Konfliktit të Interesit në Ushtrimin e Funksioneve Publike", të ndryshuar, dhe aktet nënligjore të miratuara në bazë të tij nga Inspektorati i Lartë i Deklarimi dhe Kontrolli i Pasurive, si dhe Ligji Nr. 162/2020, datë 23.12.2022 "Për Prokurimin Publik".

Në përputhje me to, unë deklaroj këtu se asnjë zyrtar publik, siç përcaktohet në Kapitullin III, Seksioni II të Ligjit Nr. 9367, datë 07.04.2005, dhe në këtë deklaratë, nuk ka ndonjë interes privat, direkt ose indirekt, me personin juridik që unë përfaqësoj këtu.

D: DEKLARATA

Për zbatimin e dispozitave ligjore në marrëdhëniet e punës

Deklarata	Përgjigje
Në cilësinë e operatorit ekonomik, deklaroj nën përgjegjësinë time të vetme se:	
1. Operatori ekonomik garanton mbrojtjen e së drejtës për punësim dhe profesion nga çdo formë e diskriminimit parashikuar nga legjislacioni i punës në fuqi.	Po [] Jo []
2. Operatori ekonomik ka kontratat përkatëse të punës me punonjësit e tij dhe garanton masa sigurie dhe shëndetësore për të gjithë dhe, në veçanti, për grupet në nevojë, bazuar në	Po [] Jo []

legjislacionin e punës në fuqi.	
3. Operatori ekonomik nuk ka ndonjë masë efektive ligjore të vendosur nga Inspektorati Shtetëror i Punës dhe Shërbimeve Sociale (ISHPSHSH). Në rastet kur janë identifikuar shkelje ligjore, operatori ekonomik ka marrë masat e nevojshme për adresimin e tyre brenda afateve të përcaktuara nga ISHPSHSH.	Po [] Jo []

Pjesa III Kriteret e Përzgjedhjes/Kualifikimit

A: DEKLARATË

Në përputhje me specifikimet teknike dhe grafikun e realizimit të objektit të kontratës:

Deklarata	Përgjigje
Në cilësinë e operatorit ekonomik, ne deklarojmë se plotësojnë të gjitha specifikimet teknike dhe termat e referencës, siç udhëzohet në dokumentet e tenderit, dhe këtë e provojmë përmes certifikatave dhe dokumenteve të paraqitura me këtë deklaratë (nëse kërkohet nga Autoriteti/Enti Kontraktor), dhe marrim përsipër të realizojmë objektin në përputhje me Listën e shërbimeve dhe grafikun e ekzekutimit të përcaktuar nga Autoriteti/Enti kontraktor.	Po [] Jo []

B: DEKLARATË

Për disponimin e punonjësve dhe makinerive të nevojshme (nëse kërkohen)

Deklarata	Përgjigje
Në cilësinë e operatorit ekonomik, deklaroj nën përgjegjësinë time të vetme se: Unë kam punonjësit e nevojshëm si dhe	<u>Punonjës</u> Po [] Jo []

mjetet dhe makineritë për ekzekutimin e kontratës, siç përcaktohet në dokumentet e tenderit, dhe e vërtetoj këtë me dokumentacionin përkatës, të cilin do ta paraqes në kopje origjinale ose të noterizuar nëse fitoj, ose nëse më kërkohen sqarime nga autoriteti/enti kontraktor.	Nëse, po, numri i punonjësve: _____
	Profili i punonjësve _____
	<u>Makineri e mjete</u> Po [] Jo []
	Nëse po, të listohen me të dhënat konkrete: _____
Data e dorëzimit të deklaratës _____ Vula _____ Emri, Mbiemri, Firma _____	

Ju lutemi sigurohuni që:

- Secili pjesëmarrës i renditur në një bashkim operatorësh ekonomikë të paraqesë një **Formular të veçantë të Vetëdeklarimit**.
- Në rast se operatori ekonomik ofertues do të mbështetet në kapacitetet e subjekteve të tjera, një **Formular i veçantë i Vetëdeklarimit** duhet të paraqitet edhe nga subjekti mbështetës.

Në çdo rast, autoriteti/enti kontraktor ka të drejtë të kryejë verifikimet e nevojshme për vërtetësinë të informacionit të deklaruar nga operatori ekonomik për sa më sipër.

Shënim: Në çdo rast, përpara se të japë kontratën, autoriteti/enti kontraktor duhet t'i kërkojë ofertuesit fitues që të dorëzojë dokumentet provuese për vetëdeklarimet në formularin përmbledhës të vetëdeklarimit, si dhe dokumentet e paraqitura si pjesë e ofertës në rrugë elektronike. Këto dokumente duhet të paraqiten në origjinal ose në kopje të njësuara me origjinalin.

III.1.2. Në shtojcën 8/1 “Kriteret e Përgjithshme të Përzgjedhjes/Kualifikimit” germa “e” të dokumenteve të procedurës së prokurimit objekt-ankimi përcaktohet kriteri si më poshtë:

e) ka paguar energjinë elektrike dhe plotëson kërkesat që burojnë nga legjislacioni në fuqi. Ky informacion kërkohet për Operatorët Ekonomikë, të cilët operojnë në territorin e Republikës së Shqipërisë

III.1.3. Në shtojcën 8/2 “Kriteret e Vecanta të Kualifikimit” pika 2.3.8 “Kapacitetit Teknik” të dokumenteve të procedurës së prokurimit objekt-ankimi përcaktohet kriteri si më poshtë:

2.3.8. Për të provuar kapacitetet teknike dhe profesionale, operatorët ekonomikë duhet të paraqesin dëshmi për mjetet e pajisjet teknike, që kanë në dispozicion apo që mund t'i vihen në dispozicion për të përmbushur kontratën. Konkretisht:

1. Makinë teknologjike transportuese, me ngarkim fundor ose anësor, me kapacitet mbajtës jo më pak se 10 ton, 4 (katër) copë;

2. Makinë teknologjike transportuese, me ngarkim fundor ose anësor, me kapacitet mbajtës jo me shume se 7 ton, 2 (dy) copë;

3. Makinë teknologjike transportuese, me ngarkim fundor ose anësor, me kapacitet mbajtës jo me shume se 5 ton, 1 (një) copë;

4. Makina teknologjike për fshirjen e rrugëve, te pajisura me dy fshesa anësore (majtas dhe dhjathtas) dhe një fshesë qendrore rrul, me sistem thithës të pluhurave (aspirator) dhe sistem spërkatje me ujë gjatë punës, e pajisur me tub aspirimi të jashtëm thithës jo më pak se 2 (dy) copë;

5. Makine transportuese të kontenierëve me platformë ngarkimi nga pas, për të mundësuar ngarkimin dhe shkarkimin e kontenierëve pa sjellë dëmtimin e tyre, 1 (një) copë;

6. Makina për larjen e rrugëve, (autobot) i pajisura me pompë për larjen e rrugëve me presion, me dy ose më shumë pjata larëse në pjesën e përparme, me kapacitet mbajtës jo më pak se 5000 litra ujë, 1 (një) copë;

7. Mjet pastrimi (gazelone) me kapacitet mbajtës 0,5-1.5 ton, me ngarkim fundor ose anësor, 1 (një) copë.

8. Makine transportuese të kontenierëve me platformë ngarkimi nga pas, për të mundësuar ngarkimin dhe shkarkimin e kontenierëve pa sjellë dëmtimin e tyre, jo më shume se 10 ton, 1 (një) copë; rezerve

Për mjetet me rrota që shënohen në regjistra publike duhet të paraqitet leja e qarkullimit, çertifikata e pronësisë, certifikata e kontrollit teknik, siguracioni i mjetit, taksat vjetore dhe foto perkatëse ku të jetë e dukshme targa e mjetit dhe karakteristikat e tij.

Për mjetet me rrota që shënohen në regjistra publike që merren me qira të paraqitet kontrata noteriale e qirasë e vlefshme gjatë gjithë afatit të realizimit të kontratës objekt prokurimi.

Bashkangjitur kontratës së qirase duhet të paraqitet leja e qarkullimit, çertifikata e pronësisë, certifikata e kontrollit teknik, siguracioni i mjetit, taksat vjetore dhe foto perkatëse ku të jetë e dukshme targa e mjetit dhe karakteristikat e tij.

Operatorët ekonomikë duhet të paraqesin në formën e një deklaratë mjetet e mësipërme në të cilën të përcaktohet targa, lloji, numri i shasisë.

Autoriteti Kontraktor rezervon të drejtën të verifikojë dhe kontrollojë në çdo kohë mjetet e pajisjet teknike të deklaruara nga operatorët ekonomikë.

Kur oferta paraqitet nga një bashkim operatorësh, kushti 2.3.6, plotësohet nga të gjithë anëtarët e bashkimit, në raport me përqindjen (elementët konkretë) e pjesëmarrjes së tyre në bashkim.

III.1.4. Me datë 09.10.2022 nëpërmjetë sistemit të prokurimit elektronik ayutoriteti kontraktor i ka dërguar bashkimit të operatorit ekonomikë nëpërmjetë rubrikës kërkesa kërkesën me përmbjatje si më poshtë vijon: *“Bashkia Kavajë ka [publikuar në sistemin SPE procedurën me Ref-39822-08-25-2022 të zhvilluar më datë 03.10.2022 me objekt “Shërbimi i pastrimit të qytetit Kavajë dhe Njësive Administrative Synej, Luz i Vogël e Helmas”. Në këtë procedurë shoqëria juaj ka shprehur interesin nëpërmjetë paraqitjes se një oferte. Bazuar në nenin 82/1 të LPP keni paraqitur në sistemin elektronik të prokurimeve formularin përmbledhës të vetëdeklarimit mbi përmbushjen e kriterëve për realizimin e objektit të kontratës. Mbështetur në nenin 82/2 të ligjit nr. 162, datë 23.12.2020 “Për Prokurimin Publik”, kërkojmë nga ana juaj informacion shtesë dhe dokumente mbështetëse siç përcaktohet në pikat 1/e të kriterëve të përgjithshme (Vërtetim nga OSHEE), dhe 2.3.8 të Kapacitetit Teknik të Dokumentave Standarde të Tenderit. Informacioni i kërkuar të paraqitet në rrugë shkresore brenda datës 12.10.2022 ora 15:00. Duke ju falenderuar për mirkuptimin”.*

Kërkesa dhe përgjigje	
Kërkesë	
Krijuar nga	Guxim Kola
NIPT	
Kërkesë	Lënda: Kërkesë për sqarime të mëtejshme
Përshkrimi	<p>Lënda: Kërkesë për sqarime të mëtejshme</p> <p>Drejtuar: BOE Korsei shpk dhe Cogren shpk</p> <p>Përfatësuesi Z. Maksim Fezulla</p> <p>Lagja 17, Rruga Midhi Kostani, pranë Hipotekës, objekti Nr. 23, Korgë</p> <p>Bashkia Kavajë ka publikuar në sistemin SPE procedurën me REF-39822-08-25-2022 të zhvilluar me datë 03.10.2022 me objekt "Shërbimi i pastrimit të qytetit Kavajë dhe Njësive Administrative Synej, Luz i Vogël e Helmas". Në këtë procedurë shoqëria juaj ka shprehur interesin nëpërmjet paraqitjes së një oferte. Bazuar në nenin 82/1 të LPP keni paraqitur në sistemin elektronik të prokurimeve formularin përmbledhës të vetëdeklarimit mbi përmbushjen e kriterëve për realizimin e objektit të kontratës. Mbështetur në nenin 82/2 të ligjit nr.162 datë 23.12.2020 "Për prokurimin publik" kërkojmë nga ana juaj informacion shtesë dhe dokumente mbështetëse siç përcaktohet në pikat 1/e të kriterëve të përgjithshme (Vërtetim nga OSHEE), dhe 2.3.8 të Kapacitetit Teknik të Dokumentave Standarde të Tenderit. Informacioni i kërkuar të paraqitet në rrugë shkresore brenda datës 12.10.2022 ora 15:00.</p> <p>Duke ju falenderuar për mirkuptimin,</p>
Material i Bashkangjitur	<p style="text-align: center;">Procedurë për Tender</p> <p>Shërbimi i pastrimit të qytetit Kavajë dhe Njësive Administrative Synej, Luz i Vogël e Helmas</p>
Përgjigja	
Përgjigja	
Data e Përgjigjes	
Material i Bashkangjitur	Bashkangjit

III.1.5. Nga verifikimet në sistemin e prokurimeve elektronike rezulton, se bashkimi operatorit ekonomikë “Korsei” SHPK & “Cogren” SHPK, kanë dorëzuar:

- Formularin përmbledhës të vetëdeklarimit (shtojca 9) nga operatori ekonomik “Korsei” SHPK, ku në Deklaratën A për përmbushjen e kriterëve të përgjithshme është plotësuar si vijon:

<p>Operatori ekonomik ka paguar të gjitha detyrimet e energjisë elektrike, për të gjitha adresat e ushtrimit të aktivitetit, sipas legjislacionit përkatës në fuqi.</p> <p>Ky informacion kërkohet për operatorët ekonomikë, të cilët operojnë në territorin e Republikës së Shqipërisë.</p>	<p>Nëse dokumentacioni përkatës është i disponueshëm në formë elektronike, ju lutemi tregoni:</p> <p>Adresën e ueb-it: [ëë.ealbania.gov.al</p> <p>Autoritetin ose organin lëshues: [Furnizuesi i Shërbimit Universal]</p> <p>Lloji i dokumentit: [Vërtetim Debie]</p>
--	---

“Deklaratën B për disponimin e punonjësve dhe makinerive të nevojshme është plotësuar si vijon: “Makineri e mjete PO.

<p>Në cilësinë e operatorit ekonomik, deklaroj nën përgjegjësinë time të vetme se:</p> <p>Unë kam punonjësit e nevojshëm si dhe mjetet dhe makineritë për ekzekutimin e kontratës, siç përcaktohet në dokumentet e tenderit, dhe e vërtetoj këtë me dokumentacionin përkatës, të cilin do ta paraqes në kopje origjinale ose të noterizuar nëse fitoj, ose nëse më kërkohen sqarime nga autoriteti/enti kontraktor.</p>	<p><u>Punonjës</u></p> <p>Po [] Jo []</p> <p>Nëse, po, numri i punonjësve:</p> <hr/> <p>Profili i punonjësve</p> <hr/> <p><u>Makineri e mjete</u></p> <p>Po [+] Jo []</p> <p>Nëse po, të listohen me të dhënat konkrete:</p> <hr/> <p>Makina teknologjike jo me pak se 10 ton</p> <p>TR7063 R, AA214TI, AA215TI, AA216TI, AA541TN</p> <p>Makinë teknologjike jo me shume se 7 ton</p> <p>AA024NG, AA513VE</p> <p>Makinë teknologjike jo me shume se 5 ton</p> <p>AA407KX</p> <p>Autofshesa</p>
---	---

	KO7365B, TR1091U Makinë transportuese kontenieresh AA795UB Autobot uji jo me pak se 5000 litra TR7113R Mjet pastrimi (Gazelone) 0.5-1.5 T AA896US Makinë transportuese kontenieresh jo me shume se 10 ton
--	---

- Formularin përmbledhës të vetëdeklarimit (shtojca 9) nga operatori ekonomik “Cogren” SHPK, ku në Deklaratën A për përmbushjen e kritereve të përgjithshme është plotësuar si vijon:

<p>Operatori ekonomik ka paguar të gjitha detyrimet e energjisë elektrike, për të gjitha adresat e ushtrimit të aktivitetit, sipas legjislacionit përkatës në fuqi.</p> <p>Ky informacion kërkohet për operatorët ekonomikë, të cilët operojnë në territorin e Republikës së Shqipërisë.</p>	<p>Nëse dokumentacioni përkatës është i disponueshëm në formë elektronike, ju lutemi tregoni:</p> <p>Adresën e ueb-it: [ëëë.ealbania.gov.al</p> <p>Autoritetin ose organin lëshues: [Furnizuesi i Shërbimit Universal]</p> <p>Lloji i dokumentit: [Vërtetim Debie]</p>
--	--

“Deklaratën B për disponimin e punonjësve dhe makinerive të nevojshme është plotësuar si vijon: “Makineri e mjete PO.

<p>Në cilësinë e operatorit ekonomik, deklaroj nën përgjegjësinë time të vetme se:</p> <p>Unë kam punonjësit e nevojshëm si dhe mjetet dhe makineritë për ekzekutimin e kontratës, siç përcaktohet në dokumentet e tenderit, dhe e vërtetoj këtë me dokumentacionin përkatës, të cilin do ta paraqes në kopje origjinale ose të</p>	<p><u>Punonjës</u></p> <p>Po [] Jo []</p> <p>Nëse, po, numri i punonjësve:</p> <hr/> <p>Profili i punonjësve</p>
---	--

<p>noterizuar nëse fitoj, ose nëse më kërkohen sqarime nga autoriteti/enti kontraktor.</p>	<hr/> <p><u>Makineri e mjete</u></p> <p>Po [+] Jo []</p> <p>Nëse po, të listohen me të dhënat konkrete:</p> <hr/>
--	--

III.1.6. Në nenin 77 pika 4 dhe 5 të Ligjit Nr. 162/2020 “Për Prokurimin Publik”, të ndryshuar, parashikohet shprehimisht se: 1. *Autoritetet ose entet kontraktore përcaktojnë kërkesat për kualifikim për operatorët ekonomikë bazuar në:*

- a) *përshtatshmërinë për të kryer veprimtarinë profesionale;*
- b) *gjendjen ekonomike dhe financiare;*
- c) *aftësinë teknike dhe profesionale.*

Kërkesat kufizohen vetëm në ato që janë të përshtatshme për të garantuar që një kandidat ose ofertues të ketë kapacitetet juridike, financiare dhe aftësitë teknike e profesionale për të zbatuar kontratën që do të jepet. Të gjitha kërkesat duhet të kenë lidhje dhe të jenë proporcionale me objektin e kontratës.

2. *Për sa i përket përshtatshmërisë për të kryer një veprimtari profesionale, autoritetet ose entet kontraktore mund të kërkojnë që operatorët ekonomikë të regjistrohen në një nga regjistrat profesionale ose tregtarë.*

Në procedurat e prokurimit për shërbime, ku është e nevojshme që operatorët ekonomikë të kenë një autorizim të veçantë ose të jenë anëtarë të një organizate të veçantë për të kryer shërbimin në fjalë në shtetin e tyre të origjinës, autoriteti ose enti kontraktor mund t'u kërkojë atyre të vërtetojnë se e kanë këtë autorizim ose anëtarësim.

3. *Në lidhje me situatën ekonomike dhe financiare, autoritetet ose entet kontraktore mund të vendosin kërkesa që garantojnë se operatorët ekonomikë kanë kapacitetin e nevojshëm ekonomik dhe financiar për të zbatuar kontratën.*

Për këtë qëllim autoritetet ose entet kontraktore mund të kërkojnë në veçanti që operatorët ekonomikë të kenë një xhiro vjetore minimale të caktuar. Gjithashtu, autoritetet ose entet kontraktore mund të kërkojnë që operatorët ekonomikë të japin informacione në bilancet e tyre vjetore që të tregojnë raportet ndërmjet aktivitetit dhe pasivitetit.

Xhiroja vjetore minimale që kërkohet nga operatorët ekonomikë nuk mund të tejkalojë dyfishin e vlerës së parashikuar të kontratës.

Kur një kontratë ndahet në lote, ky nen zbatohet për çdo lot individual. Megjithatë, autoriteti ose enti kontraktor mund të përcaktojë xhiron vjetore minimale që u kërkohet operatorëve, duke iu referuar grupeve të loteve, në rast se ofertuesi i suksesshëm merr disa lote që duhet të zbatohen në të njëjtën kohë.

Në rastin e kontratave që bazohen në një marrëveshje kuadër, kërkesa për xhiron minimale llogaritet mbi bazën e përmasave maksimale të kontratave specifike që do të zbatohen në të

njëjtën kohë ose, kur përmasat nuk dihen, mbi bazën e vlerës së parashikuar të marrëveshjes kuadër.

4. Në lidhje me aftësitë teknike dhe profesionale, autoritetet ose entet kontraktore mund të vendosin kërkesa që garantojnë se operatorët ekonomikë zotërojnë burimet e nevojshme njerëzore e teknike, si dhe përvojën e nevojshme për të zbatuar kontratën sipas një standardi të përshtatshëm cilësie.

Autoritetet ose entet kontraktore, në veçanti, mund të kërkojnë që operatorët ekonomikë të kenë një nivel të mjaftueshëm përvoja që vërtetohet nga referenca të përshtatshme nga kontratat e zbatuara në të shkuarën.

Aftësia profesionale e operatorëve ekonomikë për të ofruar shërbimin, punën, mallin vlerësohet në lidhje me aftësitë organizative, reputacionin dhe besueshmërinë, përvojën e duhur, si dhe personelin e nevojshëm për të zbatuar kontratën, siç është përshkruar nga autoriteti ose enti kontraktor në njoftimin e objektit të kontratës.

5. Autoritetet ose entet kontraktore përcaktojnë në njoftimin e kontratës ose në ftesën për shprehje interesi kriteret e përzgjedhjes, si dhe dokumentet konkrete që duhet të paraqesin operatorët ekonomikë për përmbushjen e këtyre kriterëve.”

III.1.7. Në pikat 1 dhe 2 të nenit 82 “Formulari përmbledhës i vetëdeklarimit”, të ligjit nr. 162/2020 “Për prokurimin publik” përcaktohet se: “1. Bashkë me dorëzimin e kërkesave për pjesëmarrje ose të ofertave, **autoritetet ose entet kontraktore pranojnë si provë paraprake në vend të disa vërtetimeve të lëshuara nga autoritetet publike ose palë të treta, formularin përmbledhës të vetëdeklarimit, sipas parashikimeve të këtij ligji.** Përmbajtja e këtij formulari përcaktohet në rregullat e prokurimit publik. Kur autoriteti ose enti kontraktor mund t'i marrë dokumentet mbështetëse duke u futur direkt në një bazë të aksesueshme të dhënash shtetërore, në formularin përmbledhës të vetëdeklarimit përcaktohet edhe informacioni që kërkohet për këtë qëllim, siç është adresa në internet e bazës të të dhënave, çdo e dhënë identifikimi dhe, sipas rastit, në deklaratën e nevojshme për dhënien e pëlqimit. Operatorët ekonomikë mund të përdorin një formular vetëdeklarimi që është përdorur gjatë një procedure prokurimi të mëparshme, nëse informacioni që ajo përmban vazhdon të jetë i saktë dhe i vlefshëm.

2. **Në çdo kohë gjatë procedurës, autoriteti ose enti kontraktor mund t'u kërkojë ofertuesve dhe kandidatëve sqarime dhe dokumente mbështetëse për këto sqarime, kur kjo është e nevojshme për të garantuar zbatimin korrekt të procedurës.**

III.1.8. Në nenin 92 pika 3 të Ligjit Nr. 162/2020 “Për Prokurimin Publik”, të ndryshuar, parashikohet shprehimisht se:

1. Autoriteti ose enti kontraktor, kur e shikon të arsyeshme, u kërkon ofertuesve sqarime për ofertat e tyre, për shqyrtimin, vlerësimin dhe krahasimin sa më të drejtë të këtyre ofertave. Pa cenuar dispozitat e parashikuara në këtë ligj, nuk duhet të kërkohet, të ofrohet ose të lejohet asnjë ndryshim në përmbajtjen e ofertës, përfshirë ndryshimet në vlerë apo ndryshime që synojnë të kthejnë një ofertë të pavlefshme në të vlefshme.

2. Autoriteti ose enti kontraktor, pavarësisht nga përcaktimi i pikës 1 të këtij neni, duhet të korrigjojë vetëm gabimet aritmetike, që zbulohen gjatë shqyrtimit të ofertave. Autoriteti ose enti kontraktor njofton menjëherë për këto korrigjime ofertuesin që ka paraqitur ofertën. Kur ofertuesi nuk pranon korrigjimin e një gabimi aritmetik, oferta e tij do të skualifikohet.

3. Autoriteti ose enti kontraktor, në zbatim të pikës 4 të këtij neni, vlerëson një ofertë të vlefshme vetëm nëse ajo është në përputhje me të gjitha kërkesat dhe specifikimet e përcaktuara në njoftimin e kontratës dhe në dokumentet e tenderit, pa rënë ndesh me përcaktimet e nenit 38 të këtij ligji.

Oferta konsiderohet e vlefshme edhe nëse ajo përmban devijime të vogla, të cilat nuk ndryshojnë thelbësisht karakteristikat, kushtet dhe kërkesat e tjera, të përcaktuara në dokumentet e tenderit, gabime shtypi, të cilat mund të korrigjohen pa prekur përmbajtjen e saj, si edhe ato të lidhura me informacionet që merren lehtësisht nga dokumente faktike, që tregojnë gjendjen e operatorit ekonomik në kohën e ofertimit.

III.1.9. Në nenin 26 “Formulari përmbledhës i vetëdeklarimit”, pikat 1, 2, 3, 6 dhe 7 të Vendimit të Këshillit të Ministrave nr. 285, datë 19.05.2021 “Për miratimin e rregullave të prokurimit publik” i ndryshuar, parashikohet shprehimisht se: “Bashkë me dorëzimin e kërkesave për pjesëmarrje ose të ofertave, **autoriteti/enti kontraktor pranon si provë paraprake, në vend të disa vërtetimeve të lëshuara nga autoritetet publike ose palë të treta, formularin përmbledhës të vetëdeklarimit, sipas përcaktimit në nenin 82, të LPP-së, dhe në këto rregulla.**”

2. Formulari përmbledhës i vetëdeklarimit përmban informacion dhe deklarimin, si më poshtë vijon:

a) operatori ekonomik është i regjistruar në regjistrin tregtar sipas legjislacionit të vendit ku ushtron aktivitetin ose sipas legjislacionit të posaçëm, në rastin e një organizate jofitimprurëse, ka në fushën e veprimtarisë objektin e prokurimit, dhe ka statusin aktiv;

b) operatori ekonomik nuk është dënuar për asnjë nga veprat penale, të parashikuara në pikën 1, të nenit 76, të LPP-së;

c) personi/at në cilësinë e anëtarit të organit administrativ, drejtuesit ose mbikëqyrësit, aksionerit ose ortakut, ose që ka kompetenca përfaqësuese, vendimmarrjeje ose kontrolluese brenda operatorit ekonomik, nuk është ose ka qenë i dënuar me vendim gjyqësor të formës së prerë për asnjë nga veprat penale, të përcaktuara në pikën 1, të nenit 76, të LPP-së;

ç) operatori ekonomik nuk është dënuar me vendim të gjykatës së formës së prerë, për vepra që lidhen me veprimtarinë profesionale;

d) operatori ekonomik nuk është në proces falimentimi;

dh) operatori ekonomik ka paguar të gjitha detyrimet për pagimin e taksave dhe tatimeve 1 të kontributeve të sigurimeve shoqërore, sipas parashikimeve të pikës 2, të nenit 76, të LPP-së;

e) operatori ekonomik ka shlyer të gjitha detyrimet e maturuara të energjisë elektrike, dhe përmbush kërkesat që rrjedhin nga legjislacioni i fushës në fuqi. Ky informacion kërkohet për operatorët ekonomikë, të cilët ushtrojnë veprimtarinë në territorin e Republikës së Shqipërisë;

ë) operatori ekonomik nuk ndodhet në kushtet e konfliktit të interesit, sipas legjislacionit në fuqi;

- f) operatori ekonomik ushtron aktivitetin në zbatim të kërkesave ligjore të legjislacionit mjedisor, social dhe të punës;
- g) operatori ekonomik ka paraqitur ofertë të pavarur, sipas kërkesave të legjislacionit në fuqi;
- gj) operatori ekonomik përmbush specifikimet teknike, sipas kërkesave të përcaktuara nga autoriteti/enti kontraktor;
- h) operatori ekonomik disponon fuqinë punëtore, të nevojshme për ekzekutimin e kontratës, sipas kërkesave të autoritetit/entit kontraktor (kur është rasti);
- i) operatori ekonomik disponon mjetet dhe makineritë e nevojshme për ekzekutimin e kontratës, sipas kërkesave të autoritetit/entit kontraktor, kur është rasti;**
- j) informacion mbi subjektet, mbi kapacitetet e të cilave, operatori ekonomik do të mbështetet, nëse është rasti dhe nënkontraktorët e mundshëm, nëse është rasti;
- k) operatori ekonomik ushtron aktivitetin konform kërkesave të legjislacionit në fuqi.

3. Informacioni i pasqyruar në formularin e vetëdeklarimit, i cili gjendet në një bazë të dhënash, ku autoriteti/enti kontraktor mund të aksesojë direkt këtë informacion dhe /ose dokumentin, duhet të shoqërohet me adresën përkatëse për këtë bazë të dhënash.

4. Për përmbushjen e detyrimit sipas këtij neni, operatorët ekonomikë mund të përdorin një formular vetëdeklarimi që është përdorur gjatë një procedure prokurimi të mëparshme, nëse informacioni që ajo përmban vazhdon të jetë i saktë dhe i vlefshëm.

5. Operatorëve ekonomikë nuk u kërkohet të dorëzojnë dokumente mbështetëse, kur autoriteti ose enti kontraktor që ka dhënë kontratën ose ka lidhur marrëveshjen kuadër, i ka këto dokumente.

6. Përpara publikimit të njoftimit të fituesit dhe nisjes së afateve të ankimit, autoriteti/enti kontraktor i kërkon ofertuesit të kualifikuar, i pari dorëzimin e dokumenteve provuese të parashikuara në shkronjat “a”, “b”, “d”, “dh”, “e”, “h”, “i”, “j” të pikës 2 të këtij neni, si dhe dokumentet e tjera shoqëruese të ofertës, të dorëzuara në rrugë elektronike. Këto dokumente duhet të paraqiten në origjinal ose në kopje të njësuara me origjinalin.

Autoriteti/enti kontraktor pranon një dokument të lëshuar nga i njëjti institucion ose palë e tretë dhe që ka të njëjtin informacion me atë të paraqitur në procedurën e zhvilluar në mënyrë elektronike.

Operatorët ekonomikë të huaj duhet të paraqesin dokumentet në formën e kërkuar nga legjislacioni në fuqi për njohjen e dokumentacionit të lëshuar në një shtet të huaj.

Për dokumentet që nuk lëshohen në vendin e origjinës, operatorët ekonomikë duhet të vetëdeklarojnë këtë fakt, përndryshe dokumentacioni do të konsiderohet i paparaqitur.

7. Në çdo rast, autoriteti/enti kontraktor ka të drejtë të kryejë verifikimet e nevojshme mbi vërtetësinë e informacionit të deklaruar nga operatori ekonomik si më sipër, ose t'i kërkojë operatorit sqarime dhe dokumente mbështetëse për këto sqarime.

III.1.10. Në nenin 39, pika 4 dhe gërma “d” e pikës 6 të Vendimit të Këshillit të Ministrave nr. 285, datë 19.05.2021 “Për miratimin e rregullave të prokurimit publik”, parashikohet shprehimisht se: “4. Kërkesat e veçanta të kualifikimit duhet të përfshijnë të gjitha kriteret specifike në përputhje me nenin 77, të LPP-së. Kriteret duhet të jenë në përpjesëtim dhe të lidhura ngushtë me aftësinë zbatuese, natyrën dhe vlerën e kontratës. Në çdo rast, autoriteti ose enti kontraktor duhet të përcaktojë dokumentet konkrete që duhet të paraqesin operatorët ekonomikë për përmbushjen e këtyre kriterëve.

6. Për të provuar përshtatshmërinë për të kryer veprimtarinë profesionale, kapacitetet teknike dhe profesionale, autoriteti/enti kontraktor kërkon:

d) mjetet e pajisjet teknike, të nevojshëm për ekzekutimin e objektit të prokurimit, që ka në dispozicion apo që mund t'i vihen në dispozicion operatorit ekonomik për të përmbushur kontratën.[...]”

III.1.11. Referuar frymës së legjislacionit për prokurimin publik, vendosja e kriterëve të veçanta për kualifikim ka si synim kryesor që t'i shërbejë autoritetit kontraktor për njohjen e gjendjes dhe kapaciteteve të operatorëve ekonomikë, të cilët, nëpërmjet dokumentacionit të paraqitur duhet të vërtetojnë se zotërojnë kualifikimet e nevojshme teknike, profesionale, kapacitetet ekonomike, financiare dhe organizative, makineritë, pajisjet e asete të tjera fizike, reputacionin dhe besueshmërinë, përvojën e duhur, si dhe personelin e nevojshëm, gjithçka në funksion të realizimit me sukses të kontratës. Kriteret kualifikuese të përcaktuara nga autoriteti kontraktor janë të detyrueshme për t'u përmbushur nga të gjithë ofertuesit ekonomikë pjesëmarrës në një procedurë prokurimi. Autoriteti kontraktor do të konsiderojë një ofertë të vlefshme, vetëm nëse ajo është në përputhje me të gjitha kërkesat dhe specifikimet e përcaktuara në njoftimin e kontratës dhe në dokumentet e tenderit. Për pasojë, Komisioni gjykon, se operatorët ekonomikë pjesëmarrës në një procedurë prokurimi duhet të plotësojnë vetëm kërkesat e vendosura në dokumentet e tenderit, e rrjedhimisht, vlerësimi e kualifikimi i tyre duhet të bëhet në përputhje vetëm me këto kërkesa. Në pikën 7 të nenit 26 “Formulari përmbledhës i vetëdeklarimit”, të Vendimit të Këshillit të Ministrave nr. 285, datë 19.05.2021 “Për miratimin e rregullave të prokurimit publik” i ndryshuar, parashikohet shprehimisht se: **“Në çdo rast, autoriteti/enti kontraktor ka të drejtë të kryejë verifikimet e nevojshme mbi vërtetësinë e informacionit të deklaruar nga operatori ekonomik si më sipër, ose t'i kërkojë operatorit sqarime dhe dokumente mbështetëse për këto sqarime”.**, ndërsa në pikën 2 të nenin 82 “Formulari përmbledhës i vetëdeklarimit”, të ligjit nr. 162/2020 “Për prokurimin publik” përcaktohet se **“Në çdo kohë gjatë procedurës, autoriteti ose enti kontraktor mund t'u kërkojë ofertuesve dhe kandidatëve sqarime dhe dokumente mbështetëse për këto sqarime, kur kjo është e nevojshme për të garantuar zbatimin korrekt të procedurës”.**

Nga shqyrtimi i dokumentacionit të administruar, Komisioni i Prokurimit Publik, konstaton, se për përmbushjen e kriterit të parashikuar në shtojcën 8/1 “Kriteret e Përgjithshme të Përzgjedhjes/Kualifikimit” gërma “e” dhe kriterit 2.3.8 “Kapaciteti teknik” të dokumenteve standarde të tenderit në lidhje me vërtetimin e debisë së energjisë elektrike si dhe për disponimin e mjeteve të kërkuara në pronësi/përdorim/qira, bashkimi i operatorit ekonomikë ankimes “Korsel” SHPK & “Cogren” SHPK kanë dorëzuar në sistemin e prokurimit elektronik (SPE), *Formularin Përmbledhës të Vetëdeklarimit (shtojca 9)*. Nga shqyrtimi i dokumentacionit të dorëzuar në SPE, Komisioni konstaton, se bashkimi i operatorit ekonomikë ankimes në dorëzimin e Formularit Përmbledhës të Vetëdeklarimit, kanë plotësuar të gjitha të dhënat e mundshme që parashikon formulari përmbledhës konkretisht Deklaratën A “Për Përmbushjen e Kriterëve të Përgjithshme të Kualifikimit”, dhe Deklaratën B “Për Disponimin e Punonjësve dhe Makinerive të nevojshme”, në respektim të pikës 7 të nenit 26 “Formulari përmbledhës i vetëdeklarimit”, të Vendimit të Këshillit të Ministrave nr. 285, datë 19.05.2021 “Për miratimin e rregullave të prokurimit publik” i ndryshuar, parashikohet shprehimisht se: **“Në çdo rast, autoriteti/enti kontraktor ka të drejtë të kryejë verifikimet e nevojshme mbi vërtetësinë e informacionit të deklaruar nga operatori ekonomik si më sipër, ose t’i kërkojë operatorit sqarime dhe dokumente mbështetëse për këto sqarime”.** dhe pikës 2 të nenin 82 “Formulari përmbledhës i vetëdeklarimit”, të ligjit nr. 162/2020 “Për prokurimin publik” përcaktohet se **“Në çdo kohë gjatë procedurës, autoriteti ose enti kontraktor mund t’u kërkojë ofertuesve dhe kandidatëve sqarime dhe dokumente mbështetëse për këto sqarime, kur kjo është e nevojshme për të garantuar zbatimin korrekt të procedurës”.** Autoriteti Kontraktor nëpërmjetë sistemit të prokurimit elektronik (SPE) më datë 09.10.2022 në rubrikën kërkesat komunikimi me operatorët ekonomik i ka dërguar kërkesë bashkimit të operatorëve ekonomik si më poshtë vijon: “*Bashkia Kavajë ka [publikuar në sistemin SPE procedurën me Ref-39822-08-25-2022 të zhvilluar më datë 03.10.2022 me objekt “Shërbimi i pastrimit të qytetit Kavajë dhe Njësive Administrative Synej, Luz i Vogël e Helmas”. Në këtë procedurë shoqëria juaj ka shprehur interesin nëpërmjetë paraqitjes se një oferte. Bazuar në nenin 82/1 të LPP keni paraqitur në sistemin elektronik të prokurimeve formularin përmbledhës të vetëdeklarimit mbi përmbushjen e kriterëve për realizimin e objektit të kontratës. Mbështetur në nenin 82/2 të ligjit nr. 162, datë 23.12.2020 “Për Prokurimin Publik”, kërkojmë nga ana juaj informacion shtesë dhe dokumente mbështetëse siç përcaktohet në pikat 1/e të kriterëve të përgjithshme (Vërtetim nga OSHEE), dhe 2.3.8 të Kapacitetit Teknik të Dokumentave Standarde të Tenderit. Informacioni i kërkuar të paraqitet në rrugë shkresore brenda datës 12.10.2022 ora 15:00. Duke ju falenderuar për mirkuptimin”.*

Kërkesa dhe përgjigje	
Kërkesë	
Krijuar nga	Guxim Kola
NIPT	
Kërkesë	Lënda: Kërkesë për sqarime të mëtejshme
Përshkrimi	<p>Lënda: Kërkesë për sqarime të mëtejshme</p> <p>Drejtuar: BOE Korsei shpk dhe Cogren shpk</p> <p>Përfunduesi Z. Maksim Fejzulla</p> <p>Lagja 17, Rruga Midhi Kostani, pranë Hipotekës, objekti Nr. 23, Korçë</p> <p>Bashkia Kavajë ka publikuar në sistemin SPE procedurën me REF-39802-09-25-2022 të zhvilluar me datë 03.10.2022 me objekt "Shërbimi i pastrimit të qytetit Kavajë dhe Njësisë Administrative Synej, Luz i Vogël e Helmas". Në këtë procedurë shoqëria juaj ka shprehur interesin nëpërmjet paraqitjes së një oferte. Bazuar në nenin 82/1 të LPP këni paraqitur në sistemin elektronik të prokurimeve formularin përmbledhës të vetëdeklarimit mbi përmbushjen e kriterëve për realizimin e objektit të kontratës. Mësohetur në nenin 82/2 të ligjit nr.162 datë 23.12.2020 "Për prokurimin publik" kërkojmë nga ana tuaj informacion shtesë dhe dokumente mbështetëse siç përcaktohet në pikat 1/e të kriterëve të përgjithshme (Vërtetim nga OSHEE), dhe 2.3.8 të Kapacitetit Teknik të Dokumentave Standarte të Tenderit. Informacioni i kërkuar të paraqitet në rrugë shkresore brenda datës 12.10.2022 ora 15:00.</p> <p>Duke ju falenderuar për mirëkuptimin,</p>
Material i Bashkangjitur	<p>Procedurë për Tender</p> <p>Shërbimi i pastrimit të qytetit Kavajë dhe Njësisë Administrative Synej, Luz i Vogël e Helmas</p>
Përgjigje	
Përgjigje	
Data e Përgjigjes	
Material i Bashkangjitur	Bashkangjit

Autoriteti kontraktor ka kërkuar informacion shtesë dhe dokumentacion në përputhje me pikën 2 të nenit 82 të LPP dhe pikën 7 të nenit 26 të VKM, sipas së cilës në çdo rast, autoriteti kontraktor ka të drejtë të kryejë verifikimet e nevojshme mbi vërtetësinë e informacionit të deklaruar nga operatori ekonomik ose t'i kërkojë sqarime dhe dokumente mbështetëse për këto sqarime. Pra këtë moment procedural ligjvënësi ja ka njohur autoritetit kontraktor që ti kërkojë informacion/dokumentacion operatorëve ekonomikë në cdo moment pra jo vetëm **Përpara publikimit të njoftimit të fituesit dhe nisjes së afateve të ankimit autoriteti/enti kontraktor i kërkon ofertuesit të kualifikuar, i pari dorëzimin e dokumenteve provuese të parashikuara në shkronjat "a", "b", "d", "dh", "e", "h", "i", "j" të pikës 2 të nenit 26 të VKM-së, si dhe dokumentet e tjera shoqëruese të ofertës, të dorëzuara në rrugë elektronike.** Në rastin konkret autoriteti kontraktor Bashkia Kavajë në përputhje me dispozita e sipërcituara ligjorë ka zbatuar momentin procedural që ligjvënësi i ka ngarkuar duke ju drejtuar bashkimit të operatorit ekonomik ankimues nëpërmjetë sistemit elektronik të prokurimit SPE më datë 09.10.2022 në rubrikën kërkesa, ku i ka kërkuar *informacion shtesë dhe dokumente mbështetëse siç përcaktohet në pikat 1/e të kriterëve të përgjithshme (Vërtetim nga OSHEE), dhe 2.3.8 të Kapacitetit Teknik të Dokumentave Standarte të Tenderit. Informacioni i kërkuar të paraqitet në rrugë shkresore brenda datës 12.10.2022 ora 15:00.*, për të vërtetuar deklaratimet e bëra nga operatorët ekonomik në formularin përmbledhës të vetëdeklarimit. Gjithashtu, sipas shtojcës 12 Formulari Përmbledhës i Vetëdeklarimit, Pjesa II, Pika A-Deklarata për përmbushjen e kriterëve të përgjithshme të kualifikimit, është përcaktuar që referencat për këto lloj deklaratash do të bëhen në rastet kur janë të zbatueshme: *"Nëse dokumentacioni përkatës është i disponueshëm në formë elektronike, ju lutemi tregoni"*. Pra, Komisioni gjykon, se ka dy mënyra se si autoriteti kontraktor

mund të marrë këto dokumente, e para në bazë të të dhënave të aksesueshme shtetërore nëse është i disponueshëm dhe e dyta duke kërkuar informacion apo dokumentacion shtesë operatorëve ekonomik. Komisioni gjykon, se autoriteti kontraktor në fazën e vlerësimit procedural në të cilën ndodhet aktualisht procedura e prokurimit objekt-ankimi, për përmbushjen e kriterëve të përgjithshme të kualifikimit, duhet t'i referohet Formularit Përmbledhës të Vetëdeklarimit, por në cdo moment ligjëvënësi i ka njohur momentin procedural autoriteti kontraktor **t'i kërkojë operatorit sqarime dhe dokumente mbështetëse për këto sqarime**, në rastin konkret operatori ekonomik nuk arrin të vërtetojë se i është përgjigjur kërkesës së autoritetit kontraktor të datës 09.10.2022 për të paraqitur pranë këtij të fundit *informacion shtesë dhe dokumente mbështetëse siç përcaktohet në pikat 1/e të kriterëve të përgjithshme (Vërtetim nga OSHEE), dhe 2.3.8 të Kapacitetit Teknik të Dokumentave Standarte të Tenderit. Informacioni i kërkuar të paraqitet në rrugë shkresore brenda datës 12.10.2022 ora 15:00.* Akoma më tej Komisioni i Prokurimit Publik, gjykon, se është me vend të theksojë rolin e posaçëm që ka autoriteti kontraktor, për vetëcilësimin e tij ligjor, si autoriteti me interes dhe përgjegjësi thelbësore për realizimin e suksesshëm të kontratës. KPP sjell në vëmendje, se referuar rregullave të prokurimit publik, është pikërisht autoriteti/enti kontraktor ai që duhet t'i kërkojë **t'i kërkojë operatorit sqarime dhe dokumente mbështetëse për këto sqarime**, në përputhje parashikimet ligjore në pikën 2 të nenit 82 të LPP dhe pikën 7 të nenit 26 të VKM. Këto dokumente duhet të paraqiten në origjinal ose në kopje të njësuara me origjinalin, për t'u siguruar në lidhje me vërtetueshmërinë e deklarimeve të bëra në formularin përmbledhës të vetëdeklarimit, dhe nëse cilësia e shërbimit, punës apo mallit është e njëjtë me cilësinë e premtuar në momentin apo fazën e ofertimit. Në përfundim të analizës së fakteve përkatëse, Komisioni arrin në konkluzionin se mungesa e paraqitjes së dokumentacionit, sqarimeve të kërkuar nga autoriteti kontraktor nëpërmjetë SPE më datë 09.10.2022 nga ana e bashkimit të operatorit ekonomikë ankimues "Korsel" SHPK dhe "Cogren" SHPK në procedurën e prokurimit objekt shqyrtimi, përbën mospërmbushje të kriterëve të përgjithshme dhe të veçanta të kualifikimit, duke mos plotësuar kërkesat e autoritetit kontraktor. KPP gjykon, se arsyeja e skualifikimit për bashkimin e operatorit ekonomikë "Korsel" SHPK & "Cogren" SHPK SHPK në rastin konkret, është në përputhje me kriterin e kualifikimit të vendosur nga autoriteti kontraktor për plotësimin e këtij kapaciteti, si dhe dispozitat ligjore në fuqi si më sipërcituar. Për më tepër, KPP vëren, se legjislacioni i prokurimit publik i njeh të drejtën autoritetit kontraktor, por dhe vetë ky i fundit ka rezervuar në dokumentet standarde të tenderit edhe të drejtën e verifikimit apo sqarimit nga operatorët ekonomikë pjesëmarrës lidhur me vërtetësinë dhe saktësinë e informacionit që përmbajnë dokumentet e paraqitura nga ata dhe më pas të marrë vendim lidhur me to. Në këto kushte, Komisioni gjykon, se skualifikimi i bashkimit të operatorit ekonomikë ankimues "Korsel" SHPK & "Cogren" SHPK nga ana e autoritetit kontraktor është i drejtë.

Për sa më lart, pretendimi i bashkimit të operatorit ekonomikë ankimues "Korsel" SHPK & "Cogren" SHPK nuk qëndron.

III.2. Lidhur me pretendimet mbi arsyet e tjera të skualifikimit të bashkimit të operatorit ekonomikë ankimues "Korsel" SHPK & "Cogren" SHPK, Komisioni i Prokurimit Publik, referuar gjykimit më sipër në pikën III.1.11., gjykon se nuk do të merren në shqyrtim për ekonomi të procedurës administrative, pasi gjendja faktike dhe juridike e këtij operatori ekonomik do të vijojë të ngelet e skualifikuar edhe pas ankimit në KPP, duke mos pasur më

interes të ligjshëm në lidhje me këtë procedurë prokurimi.

Për sa më sipër, në mbështetje të neneve 30, dhe 118 të ligjit nr. 162/2020 “Për Prokurimin Publik”, Vendimit të Këshillit të Ministrave nr. 285, datë 19.05.2021 “Për miratimin e rregullave të prokurimit publik”, i ndryshuar, Vendimit të Këshillit të Ministrave nr. 261, datë 17.03.2010 “Për përcaktimin e tarifës dhe të rregullave për pagimin e saj, në një procedurë ankimi, pranë Komisionit të Prokurimit Publik”, Vendimit të Komisionit të Prokurimit Publik Nr. 766/2021, datë 13.10.2021 “Për miratimin e rregullave “Për Organizimin dhe Funksionimin e Komisionit të Prokurimit Publik”, nenit 4 të Vendimit të Komisionit të Prokurimit Publik nr. 500/2020 datë 5.11.2020 “Rregullore për Marrjen e Masave Organizative për Ushtrimin e Veprimtarisë së Institucionit të Komisionit të Prokurimit Publik gjatë gjendjes së pandemisë së shkaktuar nga COVID -19”, Komisioni i Prokurimit Publik, njëzëri,

Vendos:

1. Të mos pranojë ankesën e paraqitur nga bashkimi operatorëve ekonomikë “Korsel” SHPK & “Cogren” SHPK për procedurën e prokurimit “Procedurë e Hapur mbi Kufirin e Lartë Monetar” me Nr. REF-39822-08-25-2022, me objekt “Shërbimi i pastrimit të qytetit Kavajë dhe Njësive Administrative Synej, Luz I Vogël e Helmës” me fond limit: 550,395,505 (pesëqind e pesëdhjetë million e treqind e nëntëdhjetë e pëse mijë e pesëqind e pesë) Lekë pa TVSH, parashikuar për tu zhvilluar në datën 03.10.2022 nga autoriteti kontraktor, Bashkia Kavajë.
 2. Autoriteti kontraktor lejohet të vijojë me hapat e mëtejshëm të procedurës së prokurimit.
 3. Ngarkohet zyra e financës të kryejë veprimet përkatëse për derdhjen në Buxhetin e Shtetit të tarifës financiare të paguar nga bashkimi i operatorit ekonomikë “Korsel” SHPK & “Cogren” SHPK.
 4. Kundër këtij vendimi mund të bëhet ankim në Gjykatën Administrative të Apelit.
 5. Kopje e këtij vendimi i dërgohet për njoftim Agjencisë së Prokurimit Publik.
- Ky vendim hyn në fuqi menjëherë.

KOMISIONI I PROKURIMIT PUBLIK

Nënkryetar
Fiorent Zguro

Anëtar
Kreshnik Ternova

Anëtar
Anila Malaj

Kryetar
Jonaid Myzyri